

# BESTELAKO XEDAPENAK

## OSASUN SAILA

### 1526

*AGINDUA, 2015eko martxoaren 13koa, Osasuneko sailburuarena, Zarauzko farmazia-eskualdean farmazia-bulego berri bi sortzeko prozedurari hasiera eman zaiola iragartzen duena.*

Euskal Autonomia Erkidegoko Ordenazio Farmazeutikoari buruzko ekainaren 17ko 11/1994 Legearen 34.1 artikuluan ezartzen denez, farmazia-bulego berriak irekitzeko deialdia edo, beharrezkoa bada, deialdi hori bidezko ez dela aditzera ematen duen iragarpena urteko lehen sei hilekoan egingo da, biztanleen udal-errola berrikustetik ateratako datuak aztertu ondoren.

Bada, datu ofizial horien azterketatik ondorioztatzen da bidezkoa dela Zarauzko farmazia-eskualdean farmazia-bulego berri bi instalatzea.

Horregatik guztiagatik, hauxe

#### EBAZTEN DUT:

1.– Farmaziak sortu, lekuz aldatu, itxi eta jardunean jartzeko prozedurak arautu zituen ekainaren 27ko 338/1995 Dekretuan xedatutakoarekin bat (otsailaren 3ko 24/2004 Dekretuak aldatu zuen dekretu hori), Zarauzko farmazia-eskualdean farmazia-bulego berri bi sortzeko deialdia egiten da.

2.– 11/1994 Legeko 13. artikuluan ezarritako irizpideekin bat etorriaz, eta, halaber, 2015. urteari dagozkion biztanleria-datuekin, deialdiko farmaziak Zarauzko udalerrian kokatu beharko dira.

3.– Deialdiko farmazia-bulegoen titulartasuna lortzeko eskabideak aurkezteko epea, agindu hau Euskal herriko Agintaritzaren Aldizkarian argitaratu eta biharamunetik aurrera, hilabetekoa izango da.

4.– Aipatu eskabideak ekainaren 27ko 338/1995 Dekretuaren 2. artikuluan aurreikusitako agiriak erantsita aurkeztu beharko dira, 24/2004 Dekretuak emandako idazkeran.

5.– 4/1999 Legeak aldatutako Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 38.4 artikuluan ezarritakoez gain, eskabideak honako helbide hauetan aurkeztu ahalko dira:

Osasun Saila  
Donostia kalea 1  
01010 Vitoria-Gasteiz

Arabako Lurralde Ordezkaritza  
Olagibel kalea 38  
01004 Vitoria-Gasteiz

Gipuzkoako Lurralde Ordezkaritza  
Antso Jakitunaren kalea 35  
20010 Donostia

2015eko apirilaren 7a, asteartea

Bizkaiko Lurralde Ordezkaritza  
Recalde zumarkalea 39  
48008 Bilbao

Vitoria-Gasteiz, 2015eko martxoaren 13a.

Osasuneko sailburua,  
JON DARPÓN SIERRA.